



BIBLIOTEKA  
Zakł. Nar. im. Ossolińskich

XVI 3091











XVI Qu. 3094

5  
DE NVPTIIS IN  
CLYTI REGIS POLONIÆ SIGISMVN-  
DI AVGVSTI, ET ELISSÆ CÆSA-  
RIS FERDINANDI FILIÆ, CAR-  
men, Georgij Sabini, continens præci-  
puas omnium Polonicorum  
Regum historias.



Impressum Cracoviæ per Hieronymũ Victorem  
Anno salutis nostræ, M. D. XLIII,  
Mense Iunij.

14.842



MAGNIFICO VIRO STANISLAO  
DZIADVSIO, PRÆFECTO CONI-  
nensi, & Architelonei maioris Polonię, Ge/  
orgius Sabinus S. P. D.

**E**T si magna vitę est humane, morūq; confusio: tamen vt pars  
aliqua generis humani, disciplina regatur: diuinitus nerui di-  
scipline hominib; traditi sunt, leges, doctrina de premijs, & pœ-  
nis: & legum, premiorum, ac poenarum exempla. Et vt leges vere  
a deo ortas esse constat: ita sentiendum est, exemplorum memo-  
riā diuinitus conseruatam esse. Ac ineptum est disputare, vtra res  
ad excitandos, flectendos, & assuefaciendos animos sit efficacior:  
leges, an exempla: cum sit vna virtutis doctrina, constans vtraq;  
parte: quę cum summum vitę decus sit, semper curę fuit: mag-  
nis et sapientib; gubernatoribus, vetera monumēta, ac res gestas ma-  
iorum, & inquirere, & late propagare: vt & suam etatē erudirent  
et posteritatem magna illustrium exemplorum copia instruerent.  
Ideo primi generis humani duces, causas maximarū in mūdo mu-  
tationum, exordia imperiorū, poenas tyrannorū, et pleraq; alia, cer-  
tissimis monumētis posteritati tradiderūt: quę singulari dei ope ac  
beneficio, & cōseruata sunt inde vsq; ab initio mundi, & mansura  
sunt vsq; ad rerum finem. Gręca hystoria, quę nunc quidē extat  
recentior est: sed multa sunt in ea rerum vetustiorū & antea ge-  
starū vestigia. Et si, n. nunc extat non aliud carmen gręcum, Ho-  
merico vetustius, tamē & antea fuisse monumenta vetustiora nō  
dubiū est. Nam & ipse Homerus narrat Achillem, cui præcipuā  
virtutē inter duces tribuit: cum ociosus in tentorio sederet, Heroū  
res gestas ad citharā cecinisse. Et apparet eo in admiratiōe & grā  
nomen Poëtarū initio fuisse, quod eorū ingenijs & arte, memoria  
rerum gestarū conseruabatur: vt significat Lucanus cū inquit,

O sacer & magnus vatum labor, omnia fato  
Eripis: & donas populis mortalibus euum.

Sed multa vtilia monumēta, partim tēporis diuturnitate consum-  
pta perierūt, partim alijs casibus deleta sunt: cum vel in bellis euerse  
sunt ciuitates, vbi studia colebātur: vel propter migrationes gentiū

vetus



vetus disciplina mutata est. Callimachum poetam, qui in familia  
Ptolomei Philadelphi, & postea Euergetis diu vixit: cū alia mul-  
ta antiquitatis vestigia inquisita, cōscripsisse ferunt: tum etiā librū  
reliquisse de vrbū, & gentium originibus & nominū mutatōi-  
bus: item de mutatis gentiū sedibus. Credibile est autē Callimachū  
& bibliotheca Alexandrina, & multis sacerdotum monumentis  
adiutum esse. Hic thesaurus si extaret, omnibus historijs quantū  
lucis adderet. Nunc in tanta inscitia antiquitatis, segmur obscura  
rerum vestigia. Sed tamen prudentibus grata esse diligentia eorū  
debet, q̄ quantū possunt, studiū cōferunt ad historię cōseruationē.  
Magnopere igitur laudandi sunt vestri homines, Ioannes Dulo-  
gosius, Mechouius, & Iustus Decius, qui suorum regum seriē  
annotarunt: quorū cū res mihi viderentur magne, varię, & digne  
cognitione, cum instituissem Epithalamion scribere indyto regi  
**SIGISMUNDO AV**gusto, visum est intexere eas huic argu-  
mento, vt carmine celebratę magis legerētur. Et cū in hoc solenni  
pompa, precari omnes fausta regno debeant: quid auspicius dici  
cogitariue potest, quā de regni primordijs, & incrementis: quod cū  
singulari Dei ope ad hoc fastigium euectū, & inter ferocissimas  
nationes defensum esse cogitabimus: p̄cemur vt nūc quoq̄ intāto  
vniuersę Europę discrimine, Deus opt. max. hoc domiciliū religio-  
nis Christianę, virtutis, discipline & literarū, diutius protegat, ac  
tueatur. Quis nostrū cū vel Asię vrbes, vel Gręce gentis respublicas  
veteres animo intueat, & reputat, quę ibi studia doctrinę fue-  
rūt: quantū decus verę religionis: cumq̄ videt euersis vrbibus,  
interfectis et dissipatis indigenis, deletō Christi nomīe, abolitis om-  
nibus literarū & virtutis studijs, tantū immanē & spurcā barbariē  
in illis locis vagari, ignaram Dei, & vniuersę ciuilis cōsuetudinis:  
non deplorat interitū laudatissimarum gentiū: non de reliquo or-  
be Christiano angit. Quare & vota faciam⁹ omnes, p̄ republicas:  
& viri fortes sciant, sibi maiorū exēplo pro patriā dimicandū esse:  
ad qđ vos pietas erga Deum, patrię charitas, amor coniugū, libero-  
rū, ac totius huius legitimi status, q̄ nūc floret Polonia, & maiorū  
decora hortant: qui toties Tartaros et Turcas à Valachia, Panno-  
nia & Polonia depulerunt. Multū em̄ natura, & disciplina vrę  
gentis, differt à vicinis quod ex multis rebus intelligi potest. Nam



et regnū domi legibus, & iudicijs, præclare constitutū & ornatū  
est; & ad bella gerenda copijs equestribus & pedestribus, & omni  
apparatu, magno consilio instructū est. Descripti sunt ordines, q  
omnes vnus imperio parent: mores vero, disciplina domestica &  
ciuili, grauissime reguntur; iuuentus vel ad militiam, vel ad literas  
instituitur, vel agriculturā exercet, vel alijs se honestis opificijs in  
ciuitatibus dedit. Hos mores quoties vidi in ciuitatibus vestris, de  
antiquitate vestra cogitauī. Non em̄ dubiū est Polonos Henetam  
gētem esse, quæ & in Asia vicina fuit genti omniū laudatissime et  
cultissime Ionice, & postea duce Antenore in Europam ducta,  
propinquas Græciæ sedes in Illyrico occupauit, ac tenet etiam nū an  
nos ad hoc tempus post bellū Troianum circiter bis mille sex cen  
tos. Inde progressi septentrionis oram ad Istulam compleuerunt.  
Nec de Henetis obscura sequor indicia. Gentiū origines præcipue  
ex appellationibus, & lingua iudicantur. Quos vero hodie dicunt  
Venetos seu Venedos; hos esse Henetos ostendunt appellatio &  
locus. Nam Henetos in Illyrico, vbi manet appellatio Venedorū,  
cōsedisse affirmat Herodotus. Deinde linguā Polonorū cōgruere  
cū Illyrica manifestum est, & multarū vrbium appellationes co  
gnationē cum Polonis ostendunt; Cum autē in Asia genti Ionice  
quæ sine vlla dubitatione, omnibus nationibus toto orbe terrarū  
omni ciuili cultu antecelluit, admixti fuerint Heneti; & postea in  
Europa Græcis; consentaneū est eos, & propter cœli ac regionum  
temperie, & consuetudinē humanissime gētis, & natura ad virtus  
tē idoneos semper fuisse, ac disciplinā, & ciuilia officia intellexisse  
atq; coluisse. Potest autē de naturis ingeniorum optime ex doctri  
narū studijs iudicari; quorū possessionem magna cū laude tuetur  
Academia vestra, q̄ longo tēpore præcipuū vniuersę Philosophiæ  
domiciliū fuit. Nunc vero postq̄ vestri homines latinā eloquen  
tiam admirari ceperunt, adeo pure ac venuste multi apud vos scri  
bunt, vt viri doctissimi in Italia, qui hanc verā scribendi rationem  
renouarunt, illorū genus dicendi maxime probent. Extant enim  
scripta Stanislai Hosij, Orichouij, Cromeri, & aliorū: in quibus  
lineamenta Tullianę dictionis cōparent. Et nuper editis tribus ele  
giarum libris Ianitius Poëta præclarū sui specimen dedit. Nec ve  
ro barbarę gentes, qbus natura repugnat, hāc scribendi elegantia



vel intelligere, vel assequi possunt, Sepe igitur scriptoribus illis succēseo, qui nec nomen Henetum, nec linguam cōsiderantes, fingūt recens effusam esse vestram gentē, ex horrida aliqua septētrionis regione, Illud enim verius est, vos & Ionice & Græcē gentis vicinos, progressos ex Illyrico ad Carpathum, bonā Germaniē partem quondam occupasse: repressis ad ortum & septentrionē alijs barbaris, qui hæc loca mitiora appetebant, Inde Venedicus sinus, in quem Istula influit, nominatus est, Hanc meā de gentis vestre origine narrationē, non tanq̃ fabulosam recensui: vt Britannī se ab Hectoris filio ortos fingunt, Sed iudico verā esse: & perspicuis testimonijs confirmari posse, Clara est igit̃ antiquitas vestre gentis, Nam Heneti celebrantur Homeri carmine, & Herodoto mōnimentis: Et regnum vetus in Illyrico tenuerūt, priusq̃ Romani Illyrico potiti sunt, Polibius em̃ mentionem facit Regis Agronis & reginē Teutē, Postea regnum in Polonia constitutū est, quod aliquot iam sæculis reliquē Europe tanquā murus ac propugnaculū fuit aduersus Tartarorum ac Turcarum irruptiones, Pro his honestis certaminibus vestris, gratia vobis à reliquo Christiano orbe debetur: qui vtinam tandē, & vestro & cōmuni periculo, affici se ostendat: & socia arma iungat, Nos quidē grata voce prædicare merita vestra decet, Quare libenter huic carmini gratulatorio has res intexui, quod auspicio tui nominis duxi edendum esse: cum quia sepe humanissimas significationes dedisti tuę erga me beneuolentię, pro qua vicissim hoc testimoniū mei in te studiū extare debet: tū propterea, quod vnus omniū de literis bonisq̃ artibus optime mereris, Nam ad excolenda carū studiā, non solū horis ingenuos adolescentes, sed etiā premijs inuitas, tuāq̃ liberalitate in publicis gymnasijs foues: quo nihil potest à te fieri præclarius, His de causis scriptum hoc qualecunq̃ in tuo nomine appareat: quod si, vt spero, tibi erit gratū, virisq̃ doctis non improbabitur:

peto atē, vt indyto Regi S ISGISMVND O AV  
gusto exhibeas, meq̃ ei cōmendes, precantē ex animo

& ipsi, & vniuerso regno Polonię, ac Reipub:

Christianę salutarē tranquillitatē, Vale. Mē.

se Aprili. Anno. M. D. XLIII,

Frankfordię apud Oderā,

A iij

DE NVPTIIS INCLYTII REGIS  
POLONIAE SIGISMVNDI AV

gusti, & Elyffe Cæsaris Ferdinandi filie  
Georgius Sabinus.

**V**Os mihi quæ puero Nasonis amabile carmen  
Dulcia pegasei dictastis nomina fontis:  
Nunc sublime mihi carmen concedite vatis,  
Conceptum genuit quem Mincius Andide Nympha  
Grandibus assurgens numeris, Hymenæia dicam  
Gaudia Sarmatici quibus exultantia regis  
Atria, dant lætos, vbi voluitur: Istula plausus,  
Siv os rite puer colui, vobisq; dicatas,  
Sepe coronavi fertis halantibus aras:  
Aspirate mihi, cœptisq; fauete Camœna.

Forte sub vndosi muscoso gurgitis antro  
Istula cæruleus tumidarum rector aquarum  
Nymphis iura dabat, qua vertice Carpathus alto  
Frigida Sarmatiæ prospectat iugera: cuius  
Montis adusta rigent canis iuga summa pruinis.  
Ipse sedens vrnæq; manu sceptrumq; tenebat,  
Carbasæ glauco palle velatus amictu:  
Naiades circum fontanaq; numina stabant  
Quæq; lacus, amnesq; colunt, vdasq; paludes.  
Venit mobilibus cœli per inania pennis  
Fama volans, lætis quæ vocibus attulit istuc:  
Sarmatiæ claris Augustum regibus ortum,  
Esse maritali connubia fœdere pactum:  
Ducere Cæsarea natamq; propagine sponsam.

Quas



Quas pater arrectis vt voces auribus hausit,  
Protinus ex Nymphis formosam Callianassam,  
Phyllodocenq; Rhaninq; vocat, Crocalenq;, Thoenq;  
Insignemq; comis oculisq; nitentibus Aeglen.  
Omnes pingere acu doctas, omnesq; peritas  
Arguto tenues percurere pectine telas.  
His tum præcipiens, rarum ac memorabile munus  
Inquit adornandum sponso: nunc arte magistra  
Est opus ergo manu celeres incumbite Nymphae,  
Pictaq; rebus imaginibusq; aulae vetustis  
Texit e: Sarmaticosq; illic deducite reges:  
Sponsus vt effigies, præclaraq; facta suorum  
Inde recognoscat, validis imitetur & armis.  
Talia fecisset coetu cum verba soluto,  
Haud mora: textricum scingunt ad pectora ritu  
Collectas Nymphae vestes, nudantq; lacertos.  
Post hæc expediunt longas sub tegmine telas,  
Intenteq; sedent operi, peraguntq; laborem.

Primus falcato spectandus acynace Lechus  
Textitur argento fulgenti auroq; choruscus.  
Lechus Marte satus: quo non pugnacior alter  
Regna Lycaonio tenuit subiecta Bootæ.  
Ille vagam syluis eduxit in oppida turbam,  
Claraq; Sarmatię tribuens cognomina genti  
Lachidas, quorum gestabat sceptrum, vocauit.  
Torua viro facies: apicatum more Getarum  
Tegmen habet capitis: cristaq; rubente decorum:  
Barbaq; supremo labro riget hispida: pendet  
Ex humero clypeus, qualem Telamonius Ajax

Series  
histori-  
arum.

Lechus

Gest

Gessit: Amazonia manus est armata securi;  
 xij. Pala Inde Palatini bis sex in sedibus altis  
 ini. Augusta grauitate sedent, populumq; gubernant;  
 Grach. Additur his prisca Romanus origine Grachus,  
 Diuitijs ac Marte potens: qui rege sub Anco  
 Pulsus in exilium, trabeati celsa Quirini  
 Mœnia deseruit gelidamq; profectus ad arcton  
 Condedit auspicijs illic foelicibus urbem,  
 Quæ vetus à Gracchi ducit Craccouia nomen.  
 Surgit ad hanc urbem terrena mole sepulchrum  
 Valtum, immane, ingens quo conditus ipse quiescit.  
 Pingitur in tela saeuissimus alter ab illo  
 Sceptra gerens Lechus, qui solus vt arbiter esset  
 Lechus Sarmatix, solus rerumq; teneret habenas;  
 ij In densis syluis, vbi plurima lustra ferarum,  
 Heu fratrem regni consortem cæde peremit:  
 Vulgatoq; fidem patrias rumore per vrbes  
 Fecit ab immani diuulsum dentibus vrsu  
 Occubuisse, subit scelerato Vanda tyranno,  
 Vanda Quæ cum mille procis, quod erat formosa, placeret.  
 Innuba virgo tamen casti sine labe pudoris  
 Mansit, & ætatis ver intemerata peregit.  
 At non foemineis calathis, non dedita molli  
 Illa fuit lang, duris assueta sed armis  
 Figere terribilem longis pælearibus vrsu,  
 Frendentemq; suis excire cubilibus vrsam.  
 Martia si quando fremuerunt classica, belli  
 Laudibus insignes equauit & Heroinas.  
 Quispe Borysteniden, debellauitq; Gelonũ.



Binaq; magnanimo cum Teutone praelia fecit;  
Corniger ardebat victricis amore puelle  
Istula, cumq; suo vidisset in amne lauantem,  
Mollibus excipiens amplexibus abstulit illam  
In vitreas sedes, thalamiq; in honore locauit.  
Inde figurantur multi sine nomine reges,  
Quorum fama iacet tenebris ac nocte sepulta.  
Hosq; sub ignotos depingitur inclytus heros,  
Qui fuit Aufonie Stilico gratissimus vrbi.  
Belligero cataphrattus equo fugientibus instat  
Hostibus, ac fulgens auratis emicat armis:  
Qualis ab occidua surgens nitet Hesperus vnda;  
Et nunc victor agit Ruffini castra secutos,  
Hunosq; Myfosq; sagittiferosq; Tomitas,  
Praelia miscentes & acuta falce Gelonos:  
Nunc premit Afrorum casu Gildone cohortes,  
Ingentemq; facit conuersa per agmina stragem.  
Haud secus ac paleis vbi separat area fruges,  
Triturante leues boue conculcantur aristæ:  
Sic quacunq; ruit, prosternens conterit hostes.  
Circumfusa iacent pallenti corpora leto  
Tradita: purpureusq; cruor diffunditur aruis.  
Casus ob insignes Theodosius ergo triumphos,  
Deligit hunc generum sibi, connubioq; Serenę  
Ornat, & Aeneadis præfert socer omnibus vnum.  
Additur armipotens iuuenis, qui dictus ab astu  
Nomen Lescio gerit: Stiliconi sanguine iunctus.  
Cæsareum sed ferre iugum, fastumq; superbe  
Italig nequit, imperioq; subesse recusat.

Stilico:

Lescio.

B Aspera

Aspera märtigenis hic bella Quiritibus infert!  
Panoniumq; armis iuuat auxiliariis Hunnum  
Tunc vbi Carnorum ferus occupat Attilæ sedes,  
Tæq; dat exēidio captam, pulcherrima quondam  
Vrbs, Antenoreo felix Aquileia Timauro.

Primus claustra manu reſerat, portasq; refringit  
Inſcit inſandum victorq; penatibus ignem.

Triftia collucent diffuſis incenia flammis:

Concuſſasq; domos, impendentesq; ruinas

Nympharum textura reſert, ſubiungitur acer

Genſer ricus. Genſerrius, & armorum fulgore coruſcus

Pingitur, haſtatos cuneos, clypeataq; ſecum

Ducere bellator ſub fortibus agmina ſignis:

Heſperias æquare ſolo, quas ſpectat ab altis

Candida ſubicctas Pyrene rupibus, vrbes:

Herculeumq; citis tranſmittere claſſibus æquor,

Subdere & antiquas Tyriæ Carthaginiſ arces.

Inde proſectus iter, maris emenſusq; profundum,

Capta Quirinalis Romę dare incenia præde.

Leſco. Hinc alacri vultu Leſconis imago ſecundi

ij. Omnibus arridens, precioſo intexitur oſtro.

Editus obſcura iuuenis qui ſtirpe parentum

Ardua conſcendit magni faſtigia regni.

Scilicet orba ſuo ſedes vbi rege vacabat,

Et decretus erat de regno curſus, equorum:

Hic meruit celeri victor ſuffragia curſu.

Tertius extincto ſuccedit Leſco parenti.

Leſco. ij. Bellaq; Teutonibus facientes adiuuat Hunos.

Post hunc villoſo deducitur horridus uſſi

Tergore



Tergore Poppilius : quem turpis inertia regem  
 Occupat immodico baccho, somnoq; vacantem.  
 Ipse sedens inter cyathos, mollesq; puellas,  
 Acribus armorum præfert conuiuia curis.  
 Nominis eiusdem coniungitur ebrius illi  
 Filius, ignauiq; simillimus omnia patris.  
 Hunc scelerum pœnas crudeli morte luentem,  
 Infesti perimunt arroso corpore mures.  
 Tum gestanda seni traduntur sceptrâ Pyasto:  
 Qui cum iusticię vindex, & cultor honesti  
 Eßet, ab incuruo (nam rura colebat) aratro  
 Pauper ad hos regni tantos ascendit honores.  
 Indutus crudo stat adhuc perone, geritq;  
 Agricole solito spaciosum more galerum  
 Inde Pyastides trahit agmina Semouitus  
 Aclidibusq;, sparisq;, & acutis densa sagittis:  
 Vandaliq; domat populos, vrbesq; potentes  
 Balticus arctoo quas alluit æquore Nereus.  
 Ocia quartus agit Lescó, bellumq; perosus  
 Sistit, et auguste sancit data fœdera pacis.  
 Nec minus extinctis amplecteris ocia bellis  
 Semomilæ: tuo tenebrasq; recedere nato,  
 Excussaq; dari visum caligine gaudes.  
 Editus ex vtero qui cœcus, amabile solis  
 Lumen, & æthereos nunq; conspexerat ignes:  
 Consulis & vates, puero quid reddita cœco  
 Lumina portendant : responsaq; lætus ab illis  
 Accipis : insigni natum pietate futurum.  
 Filius vt Mescó sceptrũ suscepit auitum,

Poppilius.

Poppilius, ij.

Pyast.

Semouitus.

Lescó.  
liij.

Semomilaus.

Mescó.

De se vera probat dixisse, nec irrita, vates.  
Primus.n. Christum profitetur, primus adorat:  
Et veterum cultus abolet, ritusq; sacrorum.  
Nam tum Sarmatię reges idola colentes,  
Impia barbarico faciebant orgia ritu.

Bulesla Cęsarıs ante pedes procumbit natus Othonis  
us. Buleslaus, & imposito diademate regem,  
Imperię sese gaudet sociumq; vocari.  
Subijcit infracto domitos hinc marte Bohemos,  
Inclusumq; iugis Morauum, gentesq; rebelles,  
Quas vmbrosa vident gelidi pineta Silesi.  
Te quoq; crudeli vastat Pomerania bello:  
Subdita queq; iaces argenti Prussia cęlo.  
Alter at ignauo similis, similisq; puellę

Mesco. Mesco figuratur: mollissima purpura corpus  
ij. Velat: Erythreis ornantur pectora gemmis:  
Punicei includunt & leuia crura cothurni.  
Huius molliciem, vitamq; perosus inertem  
Vandalus, arma capit: capit arma Bohemus & acer  
Qui colit Austriacę Morauus confinia terre:  
Excutiuntq; iugum, noluntq; subesse Polonis.  
Heu pudet ignaui quantum te Sarmata regis,  
Sub quo triste potens fecit respublica damnum.

Casimi Pellitur infelix patrijs Casimirus ab oris  
rus. Indutoq; facit monachorum vota cucullo.  
Mox ę cęnobio reuocatur, & arma capeffit:  
Persequiturq; trucem violento marte tyrannum.  
A quo pulsus erat, regnoq; exutus auito.  
Signa feris infert Hunnis, prędamq; secundus

Buleslaus



Buleslaus agit domito bis victor ab Istro.  
 Inq; fugam turmas Morauorum vertit equestres:  
 Ingentiq; Scythas & Alanos cæde trucidat.  
 Laudibus armorum nullis heroibus esset  
 Inferior: si non diro correptus amore  
 (Heu scelus execrandum, heu detestabile crimen)  
 Incaluisse eque: Tyrío quam murice cultam,  
 Legiferi taurum minois vt vxor: amauit.  
 Ac te diue nisi pia Stanislæ monentem  
 Sacras obtruncasset acynare crudus ad aras.  
 Ergo terrificis oculis, vultuq; minaci,  
 Sacrilegum pingunt Nymphæ simulantq; tyrannum  
 Cæde suas scelerare manus: in frustra q; sectos  
 Projicere alitibus canibusq; rapacibus artus.  
 Nulla sed impietas manet impunita: tyrannus  
 Ecce solum, tristi vexatus Erynnide, vertit:  
 Exul & a canibus flauum laceratur ad Istrum.  
 Huic animo mitis, sæuæq; tyrannidis expers,  
 Vladislæ subis: pugnacem strenuus acri  
 Marte Quadum, sed iusta coactus ad arma: fatigas  
 Cassubium duris & cladibus afficis hostem.  
 Rebus in aduersis vicino tertius Hunno  
 Buleslaus opem signis victricibus affert:  
 Cogit & augustas illinc dare terga volucres:  
 Nauigat inde legens arctoum classe profundum.  
 Deuictisq; edit naualia prælia Cymbris.  
 Candida pandentes concurrunt vela caring:  
 Duraq; missilibus fiunt certamina telis:  
 Armamenta natant collisq; rostra per vndas

Bulesla  
 us. ij.

Vladi  
 slaus.

Bulesla  
 us. iij.

B iij

Transraq;



Tranſtraqꝫ puniceo qꝫ rubescunt ſanguine fluctus;  
 Læta Polonorum classem fortuna tuetur,  
 Præpetibusqꝫ volat circum victoria pennis.  
 Vladislaus. ij. Alter agit turmas hinc Vladislaus equestres:  
 Functumqꝫ mouens proprio cum sanguine bellum,  
 Sæua ſuis infert germanis arma tyrannus:  
 A quibus ipse tamen ( sic arbiter impia regum  
 Punit facta deus) patrijs expellitur oris.  
 At tu quarte gerens cristata casside pennas  
 Buleslaus. iij. Buleslae, manus cum Cæsare signaqꝫ confers:  
 Cæsare, cui nomen dedit ænea barba; nec horres  
 Illius inuictas vires, animumqꝫ ferocem.  
 Tertius iniustis dum vœtigalibus vrbes  
 Mefco iij. Mefco suas onerat; solio deiectus ab alto  
 Luget, & amissos regni suspirat honores.  
 Suscipit eiccto Casimirus fratre secundus,  
 Casimirus. ij. Commisſasqꝫ sibi regit inculpatus habenas.  
 Abrogat iniustas leges, rescindit iniqua  
 Quæ fecere truces olim decreta tyranni.  
 Liberat & censu populum, laxatqꝫ tributis;  
 Lesco. Quintus Lesco facit diuerso prælia casu:  
 Nunc patrum vincit, patri nunc vincitur armis.  
 At dum nudus agit, corpusqꝫ tepentibus vndis  
 Abluit, infelix rigida transfigitur hasta:  
 Lucis & vsuram crudeli vulnere reddit.  
 Buleslaus. v. Traditur imperium post tristia Buleslao  
 Fata patris: magnas hoc rege Polonia clades  
 Accipit a trucibus Scythiæ prædonibus istis,  
 Furua quibus dirum fecerunt tartara nomen.

Namqꝫ



Namq; velut septem stagnantis ab ostia Nili  
Densa locustarum nubes se concitat alis:  
Cultaq; deuastat plorantibus arua colonis:  
Sic vagus a Tanai, Scythiaq; paludibus hostis  
Irruit, effuso populatur & agmine latos  
Sarmatiae campos; captiuq; corpora ducit:  
Corpora nodosis loris & vineta cathenis.  
Hinc tuus affectat regnum Masouia princeps,  
Obsidet ac veteris Conradus moenia Grachi  
Teutones at sexti Lesconis iura tuentes,  
Obsessis pellunt infestū moenibus hostem.  
Amplaq; spectatae virtutis praemia grato  
A Lescone ferunt: is nam decernit, vt ipsam  
Gracchi nemo regat, soli nisi Teutones, urbem.  
Conferit Henricus pugnam, victoq; triumphat  
Hoste: sed incauto dirum bibit ore venenum,  
Quo miser ante diem perit, efferturq; pheretro.  
Inde Bohemorum fortissimus arma lacessit  
Infestatq; ducem rex Primislaus Othonem,  
Marchia progenit quem flumine mater Hauelo.  
At dum lata parat motis conuiuia signis,  
Securus poto cum milite Sarmaticus rex:  
Improuisus adest per opacas Marchio syluas,  
Castraq; nocte subit multo sopita lyæo:  
Stertentemq; capit regem, captumq; trucidat.  
Venceslaus adit regnum, sceptroq; potitus  
Mænalio certos compescit Pannonas arcu:  
Et gerit Alberto durum cum Cæsare bellum.  
Aequa sed indomitis populis dat iura duobus:

*hinc* Lesco.  
vi.

Henricus.

Primislaus.

Venceslaus.

Quos

Quos & Sarmacię gelido sub sydere tellus  
 Hercynioq; tenet præcincta Bohemia saltu,  
 vladiſſa. Tertius argenti rex Vladislaus ab arcto  
 iij. Educit Litauos: & Alanos: agmine quorum  
 Humida Marchiacę deuaſtat iugera terræ:  
 Mox & victor abit ſpolijs, & cæde peracta.  
 Caſim i Filius Auguſtę Caſimirus pacis amator.  
 rus, iij. Suſcipit extincto regalem patre coronam:  
 Et cum Marchiacis populis in fœdera tranſit,  
 Regnaq; facta diu latronibus inuia, purgat:  
 Et reprimiſt cædes, & lagibus arma coercet:  
 Certa q; conſtituit dubijs fora litibus, æquus  
 Prætor vbi dicat Germanica iura Polonis.  
 Quin & turrigeris Gracchi ſub mœnibus amplam  
 Ponit, & ipſe ſuo de nomine nuncupat, urbem:  
 Quattuor externos & eodem tempore reges.  
 Magnificis epulis lautiffimus excipit hoſpes:  
 Pannoniæ, regemq; Cypri, regemq; Quiritum,  
 Inq; proceloſo dominantem marmore Danum.  
 Ampla dat Auſonio regi quoq; donat ſuamq;  
 Legitimo thalami coniungit fœdere neptem.  
 Ludo, Poſt hunc ſarmatię Ludouicus frena capeſcit.  
 uicus. Qui genus à priſco ſe Pæone ducere iaciāt:  
 Pæone, cæruleus regnum cui ſubdidit Iſter.  
 Nec virtute tamen minus eſt, quam ſanguine, clarus:  
 Magno victor agit Litauos certamine fuſos.  
 Hic duo ſcæminei Ludouicus pignora ſexus,  
 Iagel, Corpore præſtanti caſtoq; pudore, relinquit:  
 lo qui E quibus, egregia Litauus de ſtirpe Iagelo



Ipse sibi iungit tedis solennibus vnam:  
 Et dotale capit nupta cum virgine regnum:  
 At prius abluitur cœlestis fonte lauacri,  
 Proq; Iagellonis sibi nomine nomen adoptat  
 Vladislæ tuum: namq; impius ante nefandos  
 Diuorum cultus, & barbara sacra colebat.  
 Ergo pia Christum nunc religione professus,  
 Præcipit excindi lucos: anguesq; necari  
 Indigenæ Litauī quos numinis instar adorant.  
 Erigit instaurans & dulcibus atria musis  
 Hic, vbi flauentes celer Istula voluit arenas.  
 Rege sub hoc vertunt infestis terga polonis  
 Candida qui gestant Mariani pallia fratres:  
 Innumeriq; cadunt aduerso Marte perempti.  
 Se vidisse negat Thrasimēnus, & Allia tantam,  
 Accepit infelix hic quantam Prussia: cladem.  
 Haud secus, ac niuib; madet humida terra solutis,  
 Dura relaxantur cum frigora tempore veris:  
 Sic vndante natat casorum sanguine campus.  
 Ipse triumphalem prostrata per agmina currum  
 Lætus agit victor: spolijsq; exultat opimis.  
 Iamq; senex reddit languenti corpore vitam:  
 Et sua sceptrā puer tibi Vladislæ relinquit.  
 Egregia vero tu præditus indole mentis  
 Indigenas tanta populos cum laude gubernas,  
 Te quoq; Danubij declaret vt accola regem.  
 Ergo amplis opibus, fretusq; potentibus armis:  
 Ipse tuis annis maioraq; viribus audes.  
 Ingressus Macedum numeroso milite fines,  
 Pōnis in Orphæi tentoria saltibus Aemi.

et Vla  
 dislaus  
 iij.

Acade  
 mia Cra  
 couiēsis

Vladi  
 slaus, v.

Non te nubifera rupes, non sæua retardant  
Frigora, quæq; cadunt altis de montibus amnes:  
Donec Amurathes ad Varnam Turca paludem  
Te cohibens tandem victricibus exiit armis.  
Bis tamen impulsos, cogis dare terga, bis hostes  
Disiicis: ante tuo vitam quam sanguine fundis.  
Heu miserande puer: te clara Borystene tellus,  
Te cum Danubio pater Istula luget ademptum:  
Limosoq; gemunt Varne sub gurgite Nymphæ.  
Post ducis interitum, funestaq; prælia, tradit

Casimi Regia Sarmaciæ Casimiro sceptrâ senatus,  
rus. iij. Hic vero nemorum studiosus, tempora quercu

Cincta gerit, latoq; tenens venabula ferro,  
Aut venator agit pavidos in retia ceruos,  
Setigeros aut figit apros: comitantur euntem  
Rhiphæiq; canes, armillatiq; Molossi.  
Nec tamen armorum præfert venatibus artes:

Occupat ereptas Marianis fratribus vrbes.  
Tu subis inde patri, magnumq; sub arma coactum

Joânes. Ducis, Ioannes Alberte binominis, agmen.  
Albert? Vlturusq; necem patrui, quem Varina peremptum

Abstulit: instauras in sæuos prælia Turcas.  
Et iam signa moues, iam barbara vertere cogis.

Terga, sagittifero Dacos & Iasygas arcu:

Cum grauis affligit te morbus & eximit æuo,

Ne præsentis agas suscepta negocia belli.

Tristitia lugubres faciunt tibi funera musæ:

Nam tu Callimachum, genuit quem Tuscia, vatem

Dulcia Pieridum tangentem plectra fouebas.

Alexan Edit. Alexander varijs spectacula ludis:

der.

Gymnica



Gymnica nunc leuibus certamina ponit ephœbis,  
Corporis exercent agili qui membra palestra.  
Nunc pugne simulachra ciet sub equestribus armis,  
Gaudet & in circo concurrere grandibus hastis.  
At non hostili sine sanguine ludicra semper,  
Seria sed miscet duri quoq; prælia martis.  
Fortibus vleiscens armis periuria Mosci,  
Proxima nimbofo Boreæ loca cedibus implet:  
Terrarumq; vagos Scythica de gente latrones  
Rhiphæos vltra montes, Tanainq; repellit.  
Hinc ætate grauis dat regia iura Polono,  
Cana Sigismundus diademate tempora cinctus:  
Moscorumq; ducem, qua flaua Borystenis errat.  
Vnda, rebellantem memoranda clade coerct.  
Victor Hyperboreæ compescit & agmina gentis,  
Taurica quam tellus pharetratæ culta Diang  
Educat, humane gaudentem sanguine cadis.  
Nec minus a patrio digressum limite Dacum  
Arcet, & edentem crudelia funera, sternit  
Hic, vbi spumoso per inhospita saxa volutus  
Labitur amne Tyras, dirimensq; rapacibus vndis  
Sarmatig fines Dacorum separat oris.  
Quin parere sibi veteresq; subesse Borussos  
Cogit, odora legunt qui succina nata profundo.  
Inq; suam redigit ditionem, quicquid habebat  
Indlyta nobilitas Germani sanguinis illic:  
Ecce autem tristem defuncta coniuge luctum  
Percipit, Hunnorum veteri quam sanguine cretam  
Carphatis ediderat prope fontem Nympha Tybisci,  
Iamq; suæ postq; consorti iusta peregit.

Sigis-  
mundus.

Barba-  
ra.

Vritur igne nouo : fixusq; cupidine arcu,  
 Bona. Dulcia Sphortiadōs connubia virginis ambit;  
 Inter Iapygias qua pulchrior altera Nymphas  
 Non fugit, aut animo præstantior: esse fatetur  
 Hanc sibi consilio Iouis edita vertice Pallas,  
 Ore Venus, grauitate parem saturnia Iuno.  
 Ducitur in thalamum regali nupta paratu:  
 Qualiter Aemonio Nereia sponsa marito  
 Est adducta Thetis : nuribus comitata latinis  
 Turba puellarum sequitur, quas Daunia tellus  
 Priscæq; miserunt longinqui mœnia Barri:  
 Ornatae auratis incedunt vestibibus omnes.  
 Sigis. Paruus ad extremum puer his intexitur actis,  
 mūdus Sceptra Sigismundus regni gesturus auiti:  
 Augu. Qui teneras inter forma præstante sorores,  
 stus. Candida circumdans materno brachia collo,  
 Ludit, & Augusti cognominis omine gaudet.  
 Idem florentes iam puber vt induit annos,  
 Excipit amplexu consortem sponsus Elyssam:  
 Elyssa. Cæsareos que monstrat auos, ducitq; paternum  
 Regibus orta genus, quos ditibus Austria terris  
 Edidit, ac rerum dominos Germania fecit.  
 Astat vinctus hymen fertis : amor astat honestus:  
 Blandaq; formosam comitatur gratia nuptam.  
 Sarmatiæ cunctos huc vsq; ab origine prima  
 Finis hi Finxerunt Nymphæ reges, operiq; supremam  
 storiarū Imposuere manum: pars cingitur vltima telæ  
 Nexilibus folijs hederæ, atq; virentis Acanthi.  
 Ergo Nympharum labor ac solertia postquam  
 Hoc vetus aulaeis intexuit argumentum;



Illicet vndanti pater Istula surgit ab antro,  
Altaꝝ Carpatheis sub rupibus atria linquit:  
Illuc dona ferens, turr̄ita vbi mœnia surgunt,  
Romulides quorum posuit fundamina Gracchus:  
Densis progreditur cannis, & fronde saligna  
Cin ctus: & attollit roranti cornua vultu.  
Naribus vnda fluit, madidis fluit vnda capillis:  
Hærentemꝝ rigant vligine flumina barbam:  
Humida calureo velamine membra teguntur,  
Cuius nexa sonant picto conchylia limbo.  
Prosequitur totus Nympharum cœtus euntem,  
Quaꝝ pedes, vdoꝝ mouet vestigia gressu,  
Naiades spargunt flores, acserta Napeꝝ:  
Iamꝝ propinquabat regali spumifer vrbi,  
Cum procul impulso resonare frementia cœlo  
Tympanaꝝ, raucisꝝ tubas clangoribus audit:  
Ac videt insignes illinc fulgentibus armis  
Teutonas, hinc patrio clypeatos more Polonos  
Comminus accelerare, & equestres pandere turmas.  
Consistit viridi decliuis margine ripæ,  
Vestigatꝝ oculis inter tot millia sponsum:  
Quem sonipes gemmis & multo splendidus auro  
In medijs portat turmis, aurata sequentem  
Effeda, nupta quibus sedet, inuehiturꝝ per agmen.  
Talibus inde suum compellans Istula verbis  
Affatur regem: sponsamꝝ salutat Elyssam.  
Salve virginiei decus indyta Nympha pudoris,  
Sarmatici consors, Romani filia regis:  
Hasꝝ, meo late quas irrigo flumine terras,  
Ingredere auspicio fausto: di læta cubiles

Oratio  
Istule ad  
sp̄sā et  
Regem.

Gaudia, fortunentq; auae connubia tede;  
Tu (si vera mihi nec retulit irrita quondam,  
Nosse futura senex qui creditur omnia Proteus)  
Tu dabis heroum claros paritura nepotes,  
Qui superent fama proauos: qui fortibus ausis  
Ardua Sarmatie tollant ad sydera nomen:  
Victa triumphantes validis quos sentiet armis  
Turcia: quosq; tremens horrescet Caucasus: ergo  
Tanta tuus cunctis aduentus gaudia rebus,  
Vt montana fremant letis iuga plausibus: affert.  
Vocibus alituum resonat mea ripa canoris.  
Inflatisq; leues Satyri modulantur auenis  
Carmina: nosq; tibi gratamur ouantibus vndis:  
Tu quoq; rex animi praestans, qui clara parentis  
Aeneadaeq; refers Augusti nomina: salue.  
At miranda tibi Nympharum munera sponso  
Ecce fero, regum intextis ornata figuris.  
Munera, quae precio gemmas, quae nobile vincunt  
Lydia quod gignit, quod Pannona terra metallum:  
Qualiter Aeneae clypeus monumenta Quiritum,  
Haec ita maiorum referunt monumenta tuorum,  
Hinc imitanda petas exempla domestica vite:  
Te seu leta quies pacis, seu bella manebunt.  
Scipio si statuas quando spectabat auorum  
Incensus magno virtutis amore flagrabat:  
Quos tibi virtutis stimulos, illustria regum  
Hec simulachra, istis efficta tapetibus: addent:  
Aspice Mesconem, pugnaces aspice Lechos,  
Quos toga, quos acris commendat gloria martis.  
Hos propone tibi morum, viteq; magistros:



Hos contende duces longo precedere cursu  
Laudis, at inprimis reges de stirpe Iagella,  
Atq; Sigismundum factis imitare parentem.  
Nulla quidem virtus est principe dignior, ardens  
Quam pietatis amor: quocirca ante omnia curam  
Religionis agas, & propagare memento  
Hunc, sacra quo gaudet Christi respublica, cultum.  
Iura deinde tuis sapienter ut equa ministres  
Ciuibus: officium poscit munusq; regendi.  
Namq; deus celsa reges in sede locauit,  
Ac tantis opibus, tantis & honoribus ipsos,  
Auxit: iusticiæ quo sint legumq; ministri,  
Attenti & caueant, ne turpi cedat honestum:  
Neue relaxentur scelerato frena furori.  
Clemens esse bonis debes, & fontibus atrox:  
Aequat, n. superis animi clementia reges.  
Ardua magnarum si quando negocia rerum  
Sunt tractanda, viris prudentibus vteret: ne quid  
Inconsultus agas, nec te dulcedine captum  
Fallat, & illecebris ad inertem blanda voluptas  
Desidiam, mollis traducat & ocia vitæ.  
Acres namq; tibi populos fortuna regendos  
Commisit, cælo quos frigida despicit arctos:  
Duratosq; gelu quos martius excitat ardor.  
Non ignaua ferunt hi desidis ocia regis.  
Adde quod effrenis es gentibus vndiq; septus:  
Hinc Scythiæ Nomades tibi bella minantur, & illinc  
Hostis ab infesto Mahometicus imminet Istro:  
Sæuacq; molitur violentus prælia Moscus.  
Ipse tot indomitæ populis es præda futurus,

Si tua

Si tua torpuerint ignauo pectora luxu.  
Strenuus ergo geras animum curamq; virilem:  
Nilq; prius virtute putes : hæc regna tuetur.  
Turpis auaritię quoq; detestabile crimen  
Effuge: nullus enim reges non odit auaros.  
Nectamen in cunctos effundas prodigus aurum:  
Debita munificus virtuti præmia confer.  
His da largus opes, qui martia signa secuti  
Ob patriam duris adiere pericula bellis.  
Quicq; nouem claris Musarum dotibus aucti,  
Ingenio præstant alijs linguaq; diserta.  
Nam largis opibus debent á rege foueri,  
Quę sacra virtutis seruant cunabula Musę.  
Plura monendus eras : volucrum sed mater amorum,  
Teq; sacras expectat Hymen ducturus ad aras.  
Ergo detineam ne te , remorerq; loquendo:  
Hęc agedum læto nunc accipe munera vultu:  
Sic tibi, consortiq; tuę, felicibus adsit  
Tędifer auspicijs, cui sunt connubia curę,  
Sic vos alma suo genitrix Aeneia cesto,  
Iungat & æternis concordia nexibus ambos.  
Hęc pater oblato cum munere verba dedisset  
Istula, conticuit : caput occuluitq; sub vndis.  
Rex accepta ferens Nympharum munera secum,  
Inde recedebat ductis ad mœnia turmis.  
Omnis at ore fremens pópulus, plausuq; per urbem  
Hymen ò hymenę hymen hymenę sonabat.

Crac. Hieron. Viet.











8105

4



